



INKHAWMPUI VAWI 94-NA SYNOD - 2017

December 5 - 10, 2017

Bungkawn Pastor Bial : Bungkawn Kohhran Biak In

INKHAWMPUI CHANCHINBU

CHHUAH HNIHNA

DECEMBER 9, 2017 (INRINNI)

2018 SYNOD INKHAWMPUI

Thlengtu : Electric Veng Pastor Bial
 A hmun : Electric Veng Kohhran Biak In
 A hun : Nov. 28 - Dec. 9, 2018
 Puipate
 Moderator : Rev. R. Lalhmingthanga
 Secretaries : Upa R. Dengzikpuia, (Sr.)
 Maubawk
 Rev. R. Vanlalngbaka (Jr.)
 Synod Rescue Home
 Finance : Rev. P.C. Pachhunga
 Officers : Rev. H. Remthanga,
 Mission Veng
 Statistician : Rev. Lalnuntluanga,
 Chawnpui
 Executive : Rev. Lalramliana Pachuau
 Secretaries : Rev. B. Sangthanga

SYNOD INKHAWMPUI VAWI 94-NA

TLUANG TAKIN HMAN ZEL A NI

Synod - 2017, Inkhawmpui Rorel leh Pathian Biak Inkhawm tluang takin neih zel a ni a, a hun takah Rorel pawh zawh hman a nih ngei a beiseiawm hle.

Kumin Synod Inkhawmpui Rorel Inkhawmah hian Zirtawpni thleng khan Rorel Palai 2,114 leh chhimtu 15 an awm mek a ni. Hetiang hi Palai kal dan khai khawmna a ni:



Kal	Beisei	Kal	Kal lo	Inkhawmpui tan zan atanga Pathian Biak
Puipa	09	09	0	Inkhawm a inkhawm kal dan chu hetiang
Palai nisa	1213	1307	94	hi a ni:
Palai thlan	892	924	32	December Ni 5 (Thawhlehi) - 1149
Total	2114	2240	126	December Ni 6 (Nilaini) - 1433
Chhimtu : 15	Grand Total : 2129			December Ni 7 (Ningani) - 1531
				December Ni 8 (Zirtawpni) - 1241

SYNOD INKHAWMPUI 2018 ATANA PUIPA RUAT THARTE

REV. R. LALHMINGTHANGA (Moderator Elect)

Pian Ni : May 14, 1957
 Khua : Sialsuk
 Nu leh Pa : Upa Siamliana (L) & Thangkhumi (L)
 Nupui hming : Nubuangi
 Inneih Kum : August 11, 1988
 Fa Neih Zat : Pathum (3)
 Zirna : B.Th., B.D
 Pro-Pastor : Kanghmun (1987) Lengpui (1988 & 89)
 Nemnggeh : 1989
 Bial vawn tawh : Lungsen, Chingchhip, Venghnuai, Tanhril
 Rawngbawlina : Field Secretary, Siliguri Mission Field (2002 - 04) & Director, Family Guidance & Counselling Centre (2012 - 17)



REV. R. VANLALNGHAKA (Secretary Jr.)

Pian Ni : February 13, 1962
 Khua : Kanan Veng, Aizawl
 Nu leh Pa : Upa Lalvuana (L) & Rualkhumi (L)
 Nupui hming : Zothanmawii Colney
 Inneih Kum : 1993
 Fa Neih Zat : Pathum (3)
 Zirna : B.Th., B.A., B.D
 Pro-Pastor : Lunglei (1980 & 90) Republic Veng (1991)
 Nemnggeh : 1991
 Bial vawn tawh : Khuangleng, Champhai Kahrawt, Thenzawl, Dawrpui
 Rawngbawlina : Field Secretary, Arunachal & Assam Mission Field 'W' (2001 - 2003), Director, Synod Rescue Home (2014 - 2017)



REV. LALNUNTLUANGA (Statistician)

Pian Ni : October 10, 1956
 Khua : ITI
 Nu leh Pa : Upa R. Chalmawia (L) & Lianngengi
 Nupui hming : H. Lalrinmawii
 Inneih Kum : January 13, 1983



Fa neih Zat : Panga (5)
 Zirna : B.Th., B.D
 Pro-Pastor : North Vanlaiphai & Khawlailung Bial (1981 - 83)
 Nemnggeh : 1983
 Bial vawn tawh : Suangpuilawn, Mamit, Ramhlun S, Venghlui Chawnpui
 Rawngbawlina : Synod Revival Director (1998 - 2003)
 A.S. Lunglei (2004 - 2006)

ENGNGE AN SAWI

In buatsaihna a tha, hetiang zel hi ni se a duhawm hle. Rorel a kal tuang, Usher te an hmuhawm, mit a hahdam, an duty an hneh. Thingpui in leh luh leh chhuah chungchanah pawh hei aia tha zawk a awm chuang lovang.

Rev. H. Lalrinmawia, Ex-Moderator

Synod Inkhawmpuiah hian kan kal fova, hetiang tak a usher felfai hi ka la hmu lo. An hmel hmuh a nuam a, ka tehkhin ber chu Air hostess an ang hle. **Upa Lalhruailiana, Armed Veng**

Inkhawmpui in thlen danah inbuatsaihna a tha tih a hriat a, thingpui leh a hmeh chungchangah a tha hle. Biak In vawn kawngah te in vil hnehin a fai reng mai te hi in fakawm hle bawk.. Inthiarna pawh a tha ina fai hle bawk a, entawh tlak Bial leh Kohhran in ni. Usher ho te pawh an duty an hnehin an fel hle mai.

Upa V. Vanthawng, LIKBK

Ushering a felin a tha, an hmel hmuh a nuam. Badge a tha a, a changkang viau mai. Kan thlenna nu/pa ber hming leh pnone number dah vek hi a tha hle mai. Fraternal Delegates te Badge hi Synod Palai pangngai te badge aiin danglam nasa deuh thei se. En thuak chuan a in an avangin Thawhlehi zan khan Usher Duty ten min hre lova, Biak In hnung lam daihah kan thu ta. Refreshment a tuiin a changkang thei hle.

Upa R. Lawmzuala, BCM

Inbuatsaihna a tha hle niin a lang. Synod dawng tawh thin, Experience nei tawh in nihna lang tel bawkin a lang. Reception-ah lehleng a lo tel thin kan ni a, Ushers te an smart a, an che vel pawh a duhawm tlangpui hle. 'Good Morning' tih hmanga wish erawh a wish awm deuhte hmel nen 'Chibai' tih hi hmanpawlh a tha ang. Refreshment chungchangah keimah chuan ka fak viau. Amaherawhchu, ei leh in lamah hian a hing thei chi chu pumpelh hram thin a tha. Biak In a nuam hle a, pandal pawh a tha in a nuam hle. Faina kawngah fakna tling zel turin tan lak ni se. Rorel Inkhawm kalhmang leh programme chu a tha pangngai hle. **Upa K. Chhawnthuama, Durtlang**

Kan Banner hi



Bial huap emaw Bial chhung Kohhran mal angin emaw tun tum Synod Inkhawmpuia kan banner ang hi kan la siam ngai lo. Hawrawp mal tin hi thingphek hmang a khawlin a zai chhuah a ni a, thingphek phek thum lai hman ral a ni. A board-ah hian Alstone EcoBoard hman leh a nih bawk avangin a rih pawh a rit hle. A hawrawp te hi kut themthiamna hmanga siamchhuah vek an ni hi a hlu kan ti hle a ni.

SYNOD - 2017 ROREL THENKHAT

1. Presbytery thar :

1. Khawthlangpui Presbytery (Lunglei West Presbytery atangin)

2. Bial thar hawn turte:

Mizoram chhung -

1. East Lungdar Venghlun Bial (East Lungdar Bial atangin)
2. Chhingchhip Mualpui Bial (Chhingchhip & Baktawng Bial atangin)
3. Kolasib Vengthar Bial (Kolasib Bial atangin)
4. Hmawngbu Bial (Tuithumhnar Bial atangin)

Mizoram pawn -

1. Kalain Bial (Karimganj Bial atangin)

SMB hnuai -

1. Serampore Bial (Manicktala & Bardhaman Bial atangin) Kolkata Mission Field
2. Ara Bial (Patna North & Patna South Bial atangin) Patna Mission Field
3. Chandigarh Bial (North Delhi Bial atangin) Delhi Mission Field
4. Mirik Bial (Lopchu Bial atangin) Siliguri Mission Field
5. Jaigaon Bial (Siliguri Bial atangin) Siliguri Mission Field

Masihi Sangati -

1. Hmarthlang Bial (Aizawl Central & Aizawl West Bial atangin)
2. Khawchhak Bial (Bial thar)

General

1. India rama Kristiante tihduhdahna hluar zel chungchangah awareness neih rawtna - SEC
2. HIV/AIDS dona kawnga hma lak chungchang - SEC
3. Synod Inkhawmpui Pathianni chawhnu inkhawm tan hun tihsanglam rawtna - 1:00 hi dar 1:30 ah sawn a ni.
4. Mizo Bible chang zawn awlsam zawka chhut chungchang - SEC
5. Naupang nun kaihuai tha thei tura Cartoon siam chungchang - SEC

TIHDIKNA

Inkhawmpui Chanchinbu chhuah khatnaah khan tihsual palh a lo awm nual mai a, a zia lo hle. Thupha kan chawi a, ngaihdam kan dil e.

1. Upa R. Dengzikpuia, (2017 Synod Secretary, Jr.) pianna khua 'Reiek' tih kha 'Ailawng' tih zawk tur a ni a; tin, **Secretary Jr.** tih turah **Secretary** tih palh a ni bawk.

2. Synod Inkhawmpui thlen tam dan indawtah khan **Zarkawt Kohhran tum 3** lai thleng tawh kan lo hmah palh hlauh mai.

3. Phek zat ziahnaah pheh hnihna tih turah pheh thumna kan lo tipalh hlauh mai bawk.

Heng tarlan loh zingah pawh hian tihsual palh a awmin kan ring a, siamthatna / tihdikna chhuah theih chi a nih chuan inthlahrung hauh lova rawn sawi zel turin Palai leh chhimntu bakah bial chhung Kohhran mite kan ngen a che u.